





3 1761 04421 4633

ПОЛИТЕЛЬНОЕ ПРАВИЛО

EX
360
A4
1910
с. 1
РОВА



Donated by
MIKA and PAUL IGNATIEFF
in memory of
their parents,
FLORENCE and VLADIMIR IGNATIEFF,
and their uncle,
LEONIDE IGNATIEFF,
who spent many happy years
studying and teaching
at the
UNIVERSITY OF TORONTO



*Отроку Божію
Владиславу. 1913.
Декабрь*

МОЛИТВЕННОЕ ПРАВИЛО

для учениковъ

НАЧАЛЬНЫХЪ ШКОЛЪ.

Изданіе


Е. И. Фесенко, въ Одессѣ.

ОДЕССА.

Печатано въ типогра-
фіи Е. И. Фесенко,
Ришельевск., д. № 49.

1910.





Отъ Кіевскаго Духовно-Цензурнаго Комитета
печатать дозволяется. Кіевъ, 27 февраля 1910 г.

Цензоръ, Профессоръ Академіи.

Священникъ *Александръ Глаголевъ*.



МОЛИТВЫ УТРЕННІЯ.

Во имя Отца, и Сына, и Святаго
Духа. Аминь.

Боже, милостивъ буди мнѣ грѣш-
ному.

Господи, Іисусе Христе, Сыне
Божій, молитвъ ради Пречистыя
Твоея Матере и всѣхъ Святыхъ,
помилуй насъ. Аминь.

Слава Тебѣ, Боже нашъ,
слава Тебѣ.

Царю небесный, Утѣшителю,
Душе истины, иже вездѣ сый,
и вся исполняяй, Сокровище
благихъ и жизни Подателю,
пріиди и вселися въ ны, и
очисти ны отъ всякія скверны,
и спаси, Блаже, души наша.

Святый Боже, Святый Крѣп-
кій, Святый Безсмертный, поми-
луй насъ. (Трижды).

Слава Отцу, и Сыну, и Свя-
тому Духу, и нынѣ, и присно,
и во вѣки вѣковъ. Аминь.

Пресвятая Троице, помилуй насъ. Господи, очисти грѣхи наша. Владыко, прости беззаконія наша. Святый, посѣти и исцѣли немощи наша, имене Твоего ради.

Господи, помилуй, Господи, помилуй, Господи, помилуй.

Слава Отцу, и Сыну, и Святому Духу, и нынѣ, и присно, и во вѣки вѣковъ. Аминь.

Отче нашъ, Иже еси на небесѣхъ! Да святится имя Твое, да прїидеть царствїе Твое, да будетъ воля Твоя, яко на небеси

и на земли. Хлѣбъ нашъ насущный даждь намъ днесь. И остави намъ долги наша, якоже и мы оставляемъ должникомъ нашимъ, и не введи насъ во искушеніе. Но избави насъ отъ лукаваго. Яко Твое есть царство и сила и слава во вѣки. Аминь.

Молитва св. Макарія Великаго.

Къ Тебѣ, Владыко человеколюбче, отъ сна воставъ, прибѣгаю, и на дѣла Твоя подвизаюся милосердіемъ Твоимъ, и молюся Тебѣ: помози мнѣ на всякое время, во всякой вещи, и избави мя отъ всякія мірскія злыя

вещи, и діавольскаго поспѣшенія, и спаси мя, и введи въ царство Твое вѣчное: Ты бо еси мой сотворитель, и всякаго блага промысленникъ и податель, о Тебѣ же все упованіе мое, и Тебѣ славу возсылаю, нынѣ и присно, и во вѣки вѣковъ. Аминь.

Пріидите, поклонимся Царевѣ нашему Богу.

Пріидите, поклонимся и припадемъ Христу, Царевѣ нашему Богу.

Пріидите, поклонимся и припадемъ самому Христу, Царевѣ и Богу нашему.

Псаломъ 50.

Помилуй мя, Боже, по велицѣй милости Твоей, и по множеству щедротъ Твоихъ очисти беззаконіе мое. Наипаче омый мя отъ беззаконія моего и отъ грѣхъ моего очисти мя: яко беззаконіе мое азъ знаю, и грѣхъ мой предо мною есть выну: Тебѣ единому согрѣшихъ, и лукавое предъ Тобою сотворихъ, яко да оправдишися во словесѣхъ Твоихъ, и побѣдиши, внемла судити Ти. Се бо въ беззаконіихъ зачатъ есмь, и во грѣсѣхъ роди мя мати моя. Се бо истину воз-

любилъ еси: безвѣстная и тайная премудрости Твоя явилъ ми еси. Окропиши мя ѿсопомъ, и очищуся: омыеши мя, и паче снѣга убѣлюся. Слуху моему даси радость и веселіе: возрадуются кости смиренныя. Отврати лице Твое отъ грѣхъ моихъ, и вся беззаконія моя очисти. Сердце чисто созижди во мнѣ, Боже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отъими отъ мене. Воздаждь ми радость спасенія Твоего, и духомъ Владыч-

нимъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровей, Боже, Боже спасенія моего: возрадуется языкъ мой правдѣ Твоей, Господи, устнѣ мои отверзеши: и уста моя возвѣстятъ хвалу Твою. Яко аще бы восхотѣлъ еси жертвы, далъ быхъ убо: всесоженія не благоволиши. Жертва Богу духъ сокрушенъ: сердце сокрушенно и смиренно Богъ не уничижитъ. Ублажи, Господи, благоволеніемъ Твоимъ Сіона, и да созиждутся стѣны Іерусалим-

скія. Тогда благоволиши жертву правды, возношеніе и всесожигаемая; тогда возложатъ на олтарь Твой тельцы.

Символь Православныя Вѣры.

Вѣрую во единого Бога Отца, Вседержителя, Творца небу и земли, видимымъ же всѣмъ и невидимымъ. И во единого Господа Іисуса Христа, Сына Божія, единородного, Иже отъ Отца рожденнаго прежде всѣхъ вѣкъ, Свѣта отъ Свѣта, Бога истинна отъ Бога истинна, рожденна, несотворенна, единосущна Отцу, Имже вся быша. Насъ ради че-

ловѣкъ, и нашего ради спасенія, сшедшаго съ небесъ, и воплощавшагося отъ Духа Свята и Маріи Дѣвы, и вочеловѣчашася. Распятаго же за ны при Понтийстѣмъ Пилатѣ, и страдавша, и погребенна. И воскресшаго въ третій день по писаніемъ. И возшедшаго на небеса, и сѣдяща одесную Отца. И паки грядущаго со славою, судити живымъ и мертвымъ, Егоже царствію не будетъ конца. И въ Духа Святаго, Господа животворящаго, иже отъ Отца исходящаго, иже со Отцемъ и съ Сыномъ спокла-



Святой Ангель Хранитель.

няема и сславима, глаголавшаго Пророки. Во едину Святую, Соборную и Апостольскую Церковь. Исповѣдую едино Крещеніе во оставленіе грѣховъ. Чаю воскресенія мертвыхъ. И жизни будущаго вѣка. Аминь.

Молитва ко св. Ангелу Хранителю.

Ангеле Божій, хранителю мой Святый, на соблюденіе мнѣ отъ Бога съ небесе данный, прилежно молю тя: ты мя днесь просвѣти, и отъ всякаго зла сохрани, ко благому дѣянію настави, и на путь спасенія направи, аминь.

Пѣснь ко Пресвятѣй Богородицѣ.

Богородице Дѣво, радуйся,
благодатная Маріе, Господь съ
Тобою: благословенна Ты въ
женахъ, и благословенъ плодъ
чрева Твоего, яко Спаса родила
еси душъ нашихъ.

Молитвенное призываніе Святаго,
котораго носишь имя.

Моли Бога о мнѣ, святыи угод-
ниче Божій (имя), яко азъ усерд-
но къ тебѣ прибѣгаю, скорому
помощнику и молитвеннику о
душѣ моей.

Святїи славніи Апостоли, Пророцы, Святители, Мученицы, Преподобніи и Праведніи, и вси святїи, молитє Бога о мнѣ грѣшнѣмъ.

Спаси, Господи, люди Твоя, и благослови достояніє Твое: побѣды Благовѣрному Императору нашему НИКОЛАЮ АЛЕКСАНДРОВИЧУ на сопротивныя даруя, и Твое сохраняя Крестомъ Твоимъ жительство.

Спаси, Господи, и помилуй весь царствующій Домъ, Святѣйшій Правительствующій Сѹнодъ, пре-

освященные Митрополиты, Архі-
епископы и Епископы правосла-
вные, Іереи же и Діаконы, и
весь причетъ церковный, Отца
моего духовнаго, родителей мо-
ихъ, сродниковъ, начальниковъ,
благодѣтелей и всѣхъ право-
славныхъ христіанъ.

Помяни, Господи, души усоп-
шихъ рабовъ Твоихъ (имена
умершихъ сродниковъ и знае-
мыхъ) и всѣхъ сродниковъ и
благодѣтелей моихъ, и всѣхъ
православныхъ христіанъ, и пра-
вославныхъ воиновъ, за Вѣру,
Царя и Отечество на брани жи-

вотъ свой положившихъ, и грости ихъ вся согрѣшенія вольная и невольная, и даруй имъ Царствіе Небесное.

Славлю, пою, величаю и благодарю Тя, Господи Боже мой, за вся благодѣянія Твоя.

Иисусе Сыне Божій, помилуй мя.

Владычице моя, Пресвятая Богородице, спаси мя грѣшнаго.

Достойно есть, яко воистинну блажити Тя Богородицу, присноблаженную и пренепорочную, и Матерь Бога нашего. Честнѣйшую Херувимъ, и славнѣйшую

безъ сравненія Серафимъ, безъ
истлѣнія Бога Слова рождшую,
сущую Богородицу. Тя вели-
чаемъ

Боже, очисти грѣхи моя, пріими
молитву сію отъ мене грѣшнаго
раба Твоего, и помилуй мя, яко
благъ и челоуѣколюбець. Аминь.



Молитва предъ начатиємъ всякаго
дѣла.

Господи, благослови!

Молитва по окончаніи всякаго дѣла.

Благодарю Тя, Господи Боже мой.

Или :

Слава Тебѣ, Господи, слава Тебѣ.

Молитва предъ началомъ ученія.

Преблагій Господи, низпосли намъ благодать Духа Твоего Святаго, дарствующаго смыслъ и укрѣпляющаго душевныя наши силы, дабы, внимая преподаваемому намъ ученію, возрасти мы Тебѣ, нашему Создателю, во славу, родителямъ нашимъ на утѣшеніе, Церкви и Отечеству на пользу.

Молитва послѣ ученія.

Благодаримъ Тебе, Создателю, яко сподобилъ еси насъ блатодати Твоея, во еже внимати ученію. Благослови нашихъ начальниковъ, родителей и учителей, ведущихъ насъ къ познанію блага, и подаждь намъ силу и крѣпость къ продолженію ученія сего.

Молитва предъ обѣдомъ и ужиномъ.

Очи всѣхъ на Тя, Господи, уповаютъ, и Ты даеши имъ пищу во благовременіи: отверзаеши Ты щедрую руку Твою, и исполняеши всяко животное благоволеніе

Молитва послѣ обѣда и ужина.

Благодаримъ Тя, Христе Боже
нашъ, яко насытилъ еси насъ
земныхъ Твоихъ благъ: не лиши
насъ и небеснаго Твоего царствія.





МОЛИТВЫ НА СОНЪ ГРЯДУЩИМЪ.

Во имя Отца, и Сына, и Святаго
Духа. Аминь.

Господи, Иисусе Христе, Сыне
Божій, молитвъ ради Пречистыя
Твоея Матере и всѣхъ Святыхъ,
помилуй насъ. Аминь.

Слава Тебѣ, Боже нашъ, слава
Тебѣ.

Царю небесный: Святый Боже:
(Трижды). Слава, и нынѣ: Пресвя-
тая Троице: Отче нашъ:

Помилуй насъ, Господи, поми-
луй насъ: всякаго бо отвѣта не-
доумѣюще, сію Ти молитву яко
Владыцѣ грѣшніи приносимъ:
помилуй насъ.

Слава, Отцу и Сыну, и Святому Духу
Господи, помилуй насъ, на Тя
бо уповахомъ, не прогнѣвайся
на ны зѣло, ниже помяни без-
законій нашихъ: но призри и
нынѣ яко благоутробенъ, и из-
бави ны отъ врагъ нашихъ: Ты
бо еси Богъ нашъ, и мы людіе

Твои, вси дѣла руку Твоею, и
имя Твое призываемъ.

И нынѣ и присно, и во вѣки вѣковъ,
аминь.

Милосердія двери отверзи намъ,
благословенная Богородице, на-
дѣющіися на Тя, да не погиб-
немъ, но да избавимся Тобою
отъ бѣдъ: Ты бо еси спасеніе
рода христіанскаго.

Господи Боже нашъ, еже согрѣ-
шихъ во дни семъ, словомъ,
дѣломъ и помышленіемъ, яко
благъ и человеколюбецъ прости
ми: миренъ сонъ и безмятеженъ
даруй ми: Ангела Твоего Хра-

нителя посли, покрывающа и
соблюдающа мя отъ всякаго зла.
Яко Ты еси хранитель душамъ
и тѣлесемъ нашимъ, и Тебѣ
славу возсылаемъ Отцу, и Сыну,
и Святому Духу, нынѣ и присно,
и во вѣки вѣковъ. Аминь.

Молитва святому Ангелу Хранителю.

Ангеле Христовъ, хранителю мой
Святый, и покровителю души и
тѣла моего, вся ми прости, елика
согрѣшихъ во днешній день, и
отъ всякаго лукавствія против-
наго ми врага избави мя, да ни
въ коемъ жѣ грѣсѣ прогнѣваю
Бога моего; но моли за мя грѣш-

наго и недостойнаго раба: яко да достойна мя покажеша благодати и милости Всесвятыя Троицы, и Матере Господа моего Иисуса Христа, и всѣхъ святыхъ. Аминь.

Молитва о прощеніи грѣховъ.

Ослаби, остави, прости Боже, прегрѣшенія наша, вольная и невольная, яже въ словѣ и въ дѣлѣ, яже въ вѣдѣніи и не въ вѣдѣніи, яже во дни и въ нощи, яже во умѣ и въ помышленіи: вся намъ прости, яко благъ и человеколюбецъ.

Молитва объ огражденіи силою Животворящаго Креста Господня.


Ложась въ постель, надо перекреститься, поцѣловать крестъ, носимый на груди, перекрестить постель съ головы до ногъ, также и со всѣхъ сторонъ, и сказать:

Огради мя, Господи, силою Честнаго и Животворящаго Твоего Креста, и сохрани мя отъ всякаго зла. Аминь

Вмѣсто сей молитвы, можно читать слѣдующую молитву **Животворящему Кресту Господню.**

Да воскреснетъ Богъ, и расточатся врази Его, и да бѣжатъ отъ лица Его ненавидящіи Его. Яко исчезаетъ дымъ, да исчезнутъ. Яко таетъ воскъ отъ лица огня: тако да погибнутъ бѣси,

отъ лица любящихъ Бога, и знаменующихся крестнымъ знаменіемъ, и въ веселіи глаголющихъ: Радуйся, Пречестный и Животворящій Кресте Господень, прогоняяй бѣсы силою на Тебѣ пропятаго Господа нашего Іисуса Христа во адъ сшедшаго, и поправшаго силу діаволу, и даровавшаго намъ Тебе, Крестъ Свой честный, на прогнаніе всякаго супостата. О Пречестный и Животворящій Кресте Господень, помогай ми со Святою Госпожею, Дѣвою Богородицею, и со всѣми святыми во вѣки. Аминь.



Десять Заповѣдей Божіихъ.

1. Азъ есмь Господь Богъ твой, да не будутъ тебѣ бози иніи, развѣ Мене.

2. Не сотвори себѣ кумира и всякаго подобія, елика на небеси горѣ, и елика на земли низу, и елика въ водахъ подѣ

UTL AT DOWNSVIEW



D RANGE BAY SHLF POS ITEM C
39 15 04 01 11 001 8